

山鍾鏗
夷武州

丙午夏五伊熙績署檢

伊熙績鑒定
蘇紹柄編輯

山鍾集

蘇本
廉炎校字
徐揆大署
贍

山鐘集

石門鎮寧紹士商

不用美貨以爲抵約辦法文明敵幫深表同情七月十七日邀集寧紹士商至本公司相繼演說美人虐待華工情狀聽者動容及講公留別天下同胞書聞者淚下且有哭至失聲者足見人心未死現在不用美貨一例贊成并勸本街石灣鎮舖戶鄰右人等相戒不用以盡同胞之誼（後略）

姚江周自彊

我國人情如醉如夢由來久矣外人侮我甚至不以人理相待言念及此能無長嘆流涕公乃大聲疾呼喚醒四百兆同胞之昏睡互結團體俾我中華轉弱爲強由此起點他日得與列強並駕齊驅享地球上之至高名譽者非皆公之所錫乎（後略）

海昌朱萊仙

近閱新聞報見公留別書始而憂繼而悲終乃大喜憂者何憂我國人猶有未明大義者擾亂公德也悲者何悲公忠而被妒勇而見忌也喜者何喜公有不可與死我

者爲難一語此真有古大臣風可以當大任而建大功者也同胞見此皆當體公之心毋徒逞血氣而釀成他禍謀害公者見此亦當愧死及讀至每日起居謹爲死我諸君告數語樂天知命益嘆公爲當世達人也一身敢犧牲其餘更可想見彼以受新聞報館金相誣者徒自增其口過而已豈能污公哉污旣不能害又何從果欲害公適以自喪其心冥冥中必遭天譴無待我同胞攻擊也惟願公靜以鎮之燭小人之奸謀杜外人之藉口慎始圖終以求達其目的將來藉民氣以振國威事更有大於美約萬倍者則第一次團體之結不可不慎之又慎也僕僻處海濱環觀故侶早有江河日下之嘆今幸九州四海不乏深明大義之人天下事尙可爲耳特獻芻蕘以盡個人義務

丹徒錢嘉淦

抵制美約激動義憤我公一言無不樂從如此合群如此團體異邦人聞之當亦敬服嗚呼我公死名高千古我公不死氣懾五洲敝處不用美貨業已實行（後略）

嶺南開平譚璧如

抵制禁約猶人所同首署領銜惟公所獨此所謂敢人所不敢能人所不能自交涉以來未有如公此舉者也事若有濟我黃種四萬萬自應立祠奉祀馨香祝之以垂不朽閱報章見公留別一書凡我同胞莫不駭詫（中略）孔子云死生有命富貴在天又曰天生德於予桓魋其如予何彼何人斯乃自絕於人羣其何傷于日月乎敬獻俚語藉博軒渠 聞君領銜歡天喜地 見君行事經天緯地 讀君之書驚天動地 望君成効謝天謝地

聖湖隱者

讀公留別同胞書不勝詫異竊意中國人心渙散已久此次爲美虐華工創爲抵制閣下登高一呼始知互結團體此即民智大開之起點也乃竟有喪心病狂之徒以商會一代表人視爲集矢之的暗圖謀害幸尙有人密告此正天錫我公之幸福正宜及時預防免遭毒手乃公慷慨性成甘作社會犧牲聽其自然原屬取義成仁之道然以鄙見度之則有不可者（中略）大事尙賴担荷公身切須慎防此固四萬萬同胞所日夕馨香禱祝者也再此次抵制響應可謂極盛恐惹起各國戒心於國際

不無關礙但期閣下重視此身密運機謀持之久遠自收效果若奸商貪利仍定美貨既無王法以禁之不若聽其自行覆敗之爲妙自來舉大事者宜首握其大綱正毋庸苛其瑣細也

關中學會同人

同胞苦美約久矣先生出和平之手段爲抵制之奇謀振臂一呼遠近響應壯哉此舉不惟張國家對外之權力實以起民族合群之引綫遠道心傾曷勝頂祝頃者東南各省無論學界女界工商界齊噴熱血實行抵制獨敝省僻處西陲每居人後近已聯合同人禁用美貨并刊刻演說分途董勸凡城市各界無不願表同情惟鄉間愚夫愚婦非有圖說激刺不足以醒頑夢而動公憤茲呈上郵票拾元祈我公代購美待華工慘狀圖說及美貨商標名目若干張寄至三原朱文公祠俾使仿照排印廣爲布告實力奉行以副雅量

常熟士商公函

七月十九日抵約同人假邑廟開第二次特別大會到者千餘人內有短衣赤足者

先由李君君瑤宣佈宗旨次俞君綵生蔣君韶九程君兆公俞君仲能李君君盤王君頌堯蘇君祖庚暢論實行抵制之策衆皆舉手贊成遂各簽名而散

沈再里

公以犧牲一身爲四萬萬同胞造無量幸福誠千百年後歷史上之大光彩也惟疏通一法在奸商則利於同胞則危公其圖之

熱力人

抵制美約我公倡首以不用美貨爲宗旨最爲文明辦法敬佩奚似但其商標細目亟應查明印刷成書分寄各埠俾使人人知戒此舉固不特海內同胞共仰即各友邦亦暗所稱許也伏乞堅持到底以免外人所笑觀報章各業共表同情惟錢業未聞集議想該業中必有公正熱腸之人斷不至袖手旁觀曷禁拭目俟之

常熟謝村農學界人蘇邦一梁棟材嚴慎始周逸民

慨吾華人數十年來受人侮辱惹人輕視實皆由於因循苟安敷衍度日各成意見互相傾軋甘心暴棄自貽伊戚如酣漢之鼾睡沈酣不醒如冬虫之在蟄蟄伏不伸

今得公春雷一振萬物皆驚酣者猛醒伏者感動一月以來遐邇響應聯社會結團體刊發傳單實行抵制富強之機實肇於此公之造福於我億兆同胞不啻拔水火而登衽席公之功巍巍乎莫能名也讀公答美領事言不激不隨不卑不亢詞和義正外人雖具儀秦之舌安能屈公哉乃讀公留別書慷慨激昂淋漓悲壯凡我同胞莫不感泣（中略）或曰曾公死衆心瓦解功敗垂成爲之奈何予曰否否人既醒安有復睡物受驚斷不再蟄荒村僻壤之間尙有吾等數輩何況省會之廣人才之盛乎總之曾公出而團體結曾公死而團體愈堅團體愈堅則人人皆曾少卿也何止千萬云乎哉僕等雖爲鄉農天良同具爰集同志願隨公後廣勸不用美貨以盡同胞之誼

四明王維揚

讀公留別書悲壯淋漓殷殷以國事爲念讀竟不禁五體投地嗚呼人誰無死欲求死得其所伊古來不數覯也卽忠如武穆亦不過重義盡節而已於臣道則可風於民事則無與公報四萬萬同胞以一死而書中語氣磊落光明皎如星日懿乎美哉

願我同胞體公之心竟公之志具百折不回之氣存國恥已恥之心（後略）

珠寶業青年社

我珠寶一業腐敗已極所謂長者頑固居多不特無國家思想且更無同胞義氣我輩青年不忍坐視起而設立珠寶青年社自七月二十日起立誓不用美貨以表同情再我青年之窺公命意尤在振起國魂挽回國勢固不第爭約而已井蛙之見不識道著一二否（後略）

長洲何文炳

抵制美約我公創議于前通國贊成于後何等團結何等文明卽此已足寒外人之胆乃十七日報登有香港專電云美國外務部聲稱華人抵制美貨並非重大之事各處皆不甚踴躍云云此不過故作從容以示無懼之意願公傳語四萬萬同胞堅持初議弗爲流言所惑大局幸甚

浙台太平城士商

美國虐待同胞竟有烹狗藏弓之概幸吾民智大開此次合群非該國人所逆料太

平僻處內地亦有國民應盡義務中元日約集同業呢羽洋布莊十一家洋廣貨莊八家業洋油者十四家相約不用美貨各愿簽押違者照罰雖無補於大局諒亦不擇於細流（後略）

常熟女界

敝處女界咸表同情美約不改良決定不用美貨並擔任勸導各戚如公遇害敝處並誓終身不用美貨以慰公魂

崇川芷香閣冰心居士

讀公留別書爲之痛哭流涕適有一友入因執其手而語曰吾不知世界中尙有此等身爲國民心存異志與我同處覆載之中而甘爲外人之奴隸者夫抵制美貨非曾公一人之事實吾四萬萬同胞之事也四萬萬同胞溺于水火而莫之救曾公振臂一呼舉國響應吾知凡有血氣者當爲一已賀更爲天下賀豈有因此而欲害曾公之理耶噫彼欲害曾公者亦太不自量也抵制一舉今已振動全球矣以一曾公抵制曾公死而國人不用美貨之說可罷以四萬萬人抵制曾公雖死而國人不用

美貨之心益堅若謂曾公爲抵制美貨之領袖則前仆後起豈無繼曾公而起者欲害曾公者又安得害四萬萬人哉某等不才亦願竟曾公之志友亦爲之拍案因作此書爲吾公勉更爲害吾公者告

沈敦和仲禮

抵制美約經閣下提倡滬上風行後盛名卓著無遠不屆茲接甯郡敝同鄉諸君來函據云廿三日開特別大會囑弟前往與聞其事又慕鼎名并囑勸駕蒞甯指教一切弟因事冗並目疾未瘳萬難分身業經函復外用代敦請如獲俯允蒞甯則彼都人士傾倒歡迎自必喜出望外也

如皋南鄉隱商子

歷觀報章見外埠致助會費逐一璧返廉者公乎夫上下征利自昔已然於今爲烈外人賂誘致債大局者屢矣今吾公爲公益事獨任義舉不煩二人不特若輩聞之愧死且使彼族知我中國有人又豈僅抵制美約而已哉尙冀吾公力任艱鉅作中流之砥柱堅固結之人心美約一日不改抵制一日不懈

漢口文明抵約社同人

我國商界向來忽於安危得我公熱誠提倡頓使四千年來渙散商情一旦固結萬衆一心望塵弗及漢口亦通商大埠美貨本多除公所集議外又設文明抵約社爲機關處其辦法悉遵明論以不沽彼貨爲宗旨現方調查一切務在達其目的惟不用美貨爲抵制目前之計彼國或卽有意轉圜徑允改約其應行仿照文明各國一體優待之處此時亦當先事籌及拒苛禁於既往卽圖幸福於將來惟明公圖之

南昌學界程豹

抵制美約不用美貨同胞均表同情堅持到底不以暴動亂文明美人卽有恫嚇亦斷斷不敢以散沙目中國人矣非獨國民之團體從此結即黃種之價值亦從此增乃有謀及公者噫伊何人斯（中略）或謂同胞志士假此游說以覘抵制之堅定否誠然則爲公助動力非阻撓也公其勉旃美國禁約一日不改則公之擔負一刻不釋公一身所關實繫全局幸毋忽焉可（後略）

瀏陽縣代表人李鴻扶李樹榮蕭振鵬宋壽梅潘源選李鴻幹黎壽慈宋鍾華

譚傳煒鄒慈度周泰蔭鄭晟禮蕭錕黎慶覃李鴻梁李鴻植

讀六月十八日報章見閣下演說開會宗旨以不用美貨抵制禁工苛約爲正當文明之辦法欽佩同深夫吾民族受人陵替久矣國勢不振外界得以非禮相加咸謂我國民無愛國心與愛羣心故敢以不文明之工約苛待我旅美同胞不惟輕視我政府而且蔑視我國民夫今日之中國所謂恐怖時代顧我民族又屬幼稚時代固應噤若寒蟬欲譟莫能得閣下此舉以爲國民倡輔政府所不及又能伸張我民氣團結我愛力逖聽風聲應者踵武夫不平之鳴積久彌厲理有固然勢所必至同人等索居鄉隅見聞絕渺幸得一二志士旅學海外間以愛國熱誠輸入文明空氣稍湔舊污藉明新理雖綿薄之力無補高深然洪由纖起高自下基敢不奮起直追以廣抵制現已聯絡敝縣各商業家不購美貨並刊佈說帖運動全縣人不用美貨謹特通欸於貴商會願代表全縣實行不用美貨敝縣四山寨野民情僻陋於洋貨販者用者均屬少數爲此固不足道夫千金市骨驥驢遠至願由此而邑而郡而都會美約不更漸至我全國無美貨可容之地是所禱祝希望而請自隗始之旨也

(後略)

元和顧季和長洲顏莘稼

美虐華工公推胞與之懷創抵制之舉登高一呼薄海同聲足見仁聞之普有非壓力所能阻詭謀所能止者嗣讀我公留別書尤見丈夫作事生死不足動其心利害不得搖其志而一片愛力血誠跳躍於字裡行間爲之愴然者累日省中自抵制禁約之說起士商之有志者固已不用美貨矣甚有將美貨付之一炬者遠爲美約苛例所激近爲我公熱誠所感民情團結不謂不堅無如集會演說不能遍及城鄉鄙意擬將苛例演成白話並將美貨商標繪刊式樣專人赴吾吳各鄉貼說勸導務使人無論雅俗地無論村鎮識字之人固一望而知不識字者并無須求人講解庶幾家喻戶曉誰無人心而謂不憤發激昂相戒不用美貨者吾不信也(後略)

溧陽縣學界王介仁陳翊青

美禁華工受害已久今屆續約合籌不用美貨以相抵制文明正辦足覩大才槩槩是以義聲所播寰宇同欽溧陽隸屬鎮府市場亦不爲小鄙人等邀集各業於七月

二十日在邑廟中會議經介仁翊青次第演說如何虐待合籌抵制之原因在座者無不痛心疾首旋各簽允遵共不用美貨計有南北海味雜貨業汪德隆等廿七家紙箔燭業柳源滄等五家茶漆顏料業吳慶豫等九家京廣洋貨綢緞布疋業公裕等廿八家洋廣貨店恒源等五家藥業日生德等十家用亟馳報敢爲公慰並爲中國前途慰（後略）

桐鄉張長勛甫

讀公留別同胞函字字是淚字字是血三復披誦不禁涕泣抵制美約公輩首倡敝邑前已徧發傳單開會演說實力遵行今見書後復痛告同胞僉謂公乃二十世紀新中國之偉人爲四萬萬衆所崇拜斷不至爲若輩所害千萬保重吾儕之幸

小呂宋埠拒約會同人

（前略）此次抵制美約各埠皆由商務局辦理敝處商局主席不甚措意同人等因借廣東會館爲拒約會所然已斂費心力矣昨閱報紙載上海美領事致滬道書有謂美總統已訓令各埠關員寬待華人入口等情敝埠未見明文亦未寬待深恐內

地誤會致懈團體故於昨日馳電內云美總統訓令寬待本埠未見明文懇堅持欸
匯何處電覆計邀譯鑒此後如有電函賜覆請寄小呂宋廣東會館拒約會庶免遺
誤

浙嘉洲錢鎮商務分會

美虐華人籌議抵制賴公登高一呼全球響應凡具人格咸表同情敝鎮特於七月
廿一日邀集同人開會籌議簽允不進美貨者二十餘家雖細流土壤無補高深然
個人應盡義務何敢自外生成至於美貨繁多商標各異尙祈惠賜詳表數分以便
隨時調查遵諭辦理

小呂宋埠拒約會同人

(前略)此次抵制務乞堅持並以文明對付蓋敝埠西報常痛詆中國人謂無團體
歷觀辦事鮮克有終今雖不用美貨舉國若狂吾敢料其徒取叫囂而已我美人不
必疑懼云云殊不知今日民智漸開人心憤激且藉公等提倡勸勉當不至如前之
虎頭蛇尾若果得雪此言則我旅美數十萬同胞莫不馨香頂祝咸受公等之賜矣

茲由永泰棧匯呈會費洋銀肆百大元到日伏祈賞收雖區區微款不足補助不過聊盡國民義務幸勿以褻爲嫌此後尙當續收續寄以爲實行抵制之助

東吳陸儔醒盦

抵制禁約感發同胞愛國愛羣之心結成一大團體爲吾國從來未有之舉諒哉乃民族發達之萌芽立憲實行之基礎也自某報以不定美貨爲宗旨反對不用與不買賣之說輿論遂分兩派鄙人初閱之亦以此爲正當之辦法及聞洋貨業友人葉君惟周詳述底蘊而後知吾國人不謀抵制則已苟欲抵制則以不用美貨爲惟一無二政策而不定美貨之說可廢也當四月初七日上海決議辦法即在不用美貨一條該業初不介意相率加定蓋料人之未必便做到不用也六月十八該業董在商會簽允不定而衆情未洽訾議紛如報章載蘇州等處集衆議定不進美貨然該業猶未介意以故洋貨公所從未有集議實行之舉可爲明證迨北方各埠來電止辦該業始愕然相顧嗒然若喪不得已而有開公所辦調查爲塗飾耳目之舉論其初之不慮不用是輕量我同胞而與美人同一心目也該業亦國民一部分我全體